

DEBAGOIENEAN BURUTU ASMO DEN DELIBERAZIO EGITASMO ORDEZKATZAILEKO PARTAIDETZA PROZESUAREN BAITAN, ESKUALDEKO MAHAI SEKTORIALEN DINAMIZAZIORAKO ZERBITZUAREN KONTRATAZIOA – HASIERA ETA GONBIDAPENERAKO TXOSTENA

1. Kontratuaren xedea

Debagoienako Udalek eta eragileek, lankidetzazko gobernantza eratzea adostu dute Debagoienan deliberazio prozesua abiatzeko eta bultzatzeko.

Ordutik hona, prozesua bera finkatzen eta diseinatzen eta, aurrera eramateko bideak lantzen aritu da bertatik sortutako organoa.

Prozesua aurrera eramateko baldintzetan zehazten den bezala, Gizabidea Fundazioari dagokio, besteak beste, egitasmoa aurrera eraman ahal izateko deliberazioaren zuzendaritza teknikoa eta horren barruan, prozesuan burutuko diren mahai sektorialen lanak kontratatzea.

Kontratu honen objektua edo xedea da beraz, Debagoienako deliberazio parte hartze prozesuaren baitan, mahai sektorialak dinamizatzeko diseinu metodologikoa, planifikazioa, emate eta antolaketa lanak egitea, baldintza plegu honetan jasotzen denarekin bat etorritz.

2. Kontratazioaren testuingurua

2023ko udazkenean, eskualdeko erakunde eta eragileen artean, energia trantsizioaren inguruko deliberazio prozesua abiatzeko lanketa garatu zen arrazoi hauek oinarri:

- Energia eskualdearen etorkizuneko bizigarritasunaren oinarri bat delako: garapen ekonomikoa, lurralde antolamendua eta oreka, herritarren bizi baldintzak...
- Arlo ezberdinetako eragile eta herritarrei eragiten dielako: administrazioak, enpresak, lehen sektorea, herritarrak...
- Eskualdearen etorkizuna baldintzatuko duten erabaki estrategikoak hartu behar diren momentu historiko baten gaudelako.
- Elkarrizketa eta lanketa hori bideratzeko "Deliberazio prozesua" tresna egokia izan daitekeelako.

Debagoienan prozesu deliberatiboa garatzea adostu eta, honela definitu zen:

"Prozesu deliberatiboa eskualdeko eragile publiko, pribatu, komunitario, eta orohar, herritarrekin energia trantsizioaren inguruan burutuko den prozesua izango da. Gaiari dagokion informazio zehatz eta egokitik abiatuta Debagoienan gertatu behar den trantsizio energetikoaren aukera ezberdinak aztertu eta ebaluatzea izango duelarik oinarri."

Proposatzen zen prozesu deliberatiboak bazuen bereizgarri bat beste prozesuekiko ezberdintzen zituena: prozesua lankidetzazko gobernantzatik bultzatzea proposatzen zen, arazo konplexu bati lankidetzara publiko-pribatu-komunitarioaren bidetik erantzuna emateko xedez. Bide horretan, prozesuaren bultzatzailea ez zen eremu publikoa soilik izango.

Adostutakoa honakoa izan da:

Deliberazio prozesuaren Helburuak:

1. Energiaren alorrean helburu amankomunak ezartzea kontsentsu zabalaren bitartez, eta egiteko modu berri bat abiatzea.
2. Debagoienako eskualdean herritar eta eragileak ahalduntzea, energiaren aferan beren ardurak hartuz.

Prozesu deliberatiboak hiru fase izango ditu: lehen fasean, eskualdea osatzen duten eragileek mahai sektorialak eratuko dituzte, dilema kontuan hartuz euren posizionamendua eta jarrera jasotzeko; bigarren fasearen erdigunean Herritarren Batzarra dago. Bertan, ausaz hautatutako herritarrek, galderari erantzungo dion gomendio sorta bat adostuko dute; eta azken fasean, mandatua burutu duten eragileek, gomendioak aztertu, haien inguruan deliberatu eta erantzuna emango diote.

Prozesu deliberatiboaren izaera:

Aipatutako adostasunez gain, prozesuak izan beharko lituzkeen baldintzak eta gobernantza eredu ere adostu dira. Lankidetzazko gobernantza eredu honek izaera publiko-pribatu-komunitarioari eman nahi dio erantzuna, alegia, prozesu honek izan nahi duen bereizgarritasunari. Beraz, prozesu deliberatiboaren bultzatzaileak izaera ezberdineko erakundeak izango dira. Ondorioz, mandatugileak izango dira bai dilema eta galdera proposatuko dutenak, eta baita prozesu honetatik erator daitezkeen gomendioei erantzuna emango dietenak ere.

Deliberazio prozesuak antolaketa eredu eta organo hauek izango ditu:

- Mandatugile gunea: Gune hau izango da deliberazio prozesuaren gobernantza sistemaren erabakigune nagusia.
- Jarraipen batzordea: Mandatu organoen ordezkarietatik sortutako gune operatiboa.
- Talde sustatzailea edo bulego teknikoa eta azpitaldeak:
 - Metodologia taldea: Eragileen gune desberdinak eta, Herritarren Batzarraren diseinu metodologiko eta dinamizazioa egiteko proposamena eta ardura izango du.
 - Edukien batzordea: Herritarren batzordeak jasotzen duen informazioa osatzeko eta herritarren batzarrean egongo diren hitzaldiak antolatzeko ardura izango du.
 - Komunikazio taldea edo batzordea: Prozesua gizarteratzeko komunikazio estrategia eta plana diseinatu eta egikaritzaz arduratuko da.
 - Ebaluazio eta ikerketa taldea: Bere egitekoa prozesuaren ebaluaziorako adierazleak zehaztea, ikasketak sortzea eta sistematizatzea eta, prozesuaren bermeak errespetatzen direla ziurtatzea izango da.
- Aholku batzordea: deliberazio prozesuan esperientzia duten erakundeek osatuko dute batzorde hau.

3. Kontratazioaren funtsa eta egitekoak

Herritarren Batzarraren egitekoa hiru fasetan burutuko da: informazio fasea, deliberazioa edota gogoeta eta, gomendioak osatzea. Herritarren Batzarrak galdera honi erantzun beharko dio:

“Zein ekintza edo aldaketa burutu beharko dituzte Debagoienako tokiko eragileek energia kontsumoa murrizteko eta energia berriztagarrien garapenerako?”

Deliberazioa, batzarkideen ikaskuntzan, pentsamenduan eta elkarrizketan dago oinarrituta, eta hori da, besteak beste partaidetza-eredu konbentzional batzuetatik bereizi egiten duena. Bertan parte hartzen duten pertsonen beharrezko ezagutzak eskuratu behar dituzte informazio fasean.

Ezagutza hori informazio idealaren markoan kokatzen da: inpartziala eta heterogeneoa, kontrako jarrerak jasotzen dituena, hierarkizatu gabe eta tratu-berdintasuna emanez, informazio tekniko zientifiko deskribatzaile eta sozialarekin osatuta, kontrako edo bestelako diskurtso-jarrerak adierazten dituztenak eta parte-hartzaileei eztabaidatutako gaiari buruzko beren ikuspegia ematen dietenak.

Beraz, zentzu horretan, eta ELGAren gomendioei jarraiki, Herritarren Batzarrak, informazio fasean eta gogoetarako beharrezko ezagutzak eskuratzeko, beste herritarren ekarpenak ere kontuan hartu behar ditu. Testuinguru horretan, eta Herritarren Batzarrari eskualdeko eremu gakoetako eragileen ekarpenak helarazteko, alde zuzenetik sektoreka lau parte hartze mahai osatuko dira. Mahai horiek, sektore bakoitza osatzen duten eragileen dilemaren posizioak islatuko dituzte eta gogoetarako material gisa helaraziko zaio Herritarren Batzarrari. Beraz, posizio horien lanketak, prozesuaren dilema izango du oinarri eta mahai bakoitzaren emaitzak, sektore bakoitzaren kokapena islatuko du. Adostutako dilema honakoa izan da:

*“Debagoiena **energia kontsumo handiko eskualdea** da, besteak beste **ehun industrialak eskualdean duen garrantziarengatik** eta **bizi ereduarengatik**. Dagoeneko eraldaketa energetiko, ekologiko, sozial eta ekonomikoa gertatzen ari da. Debagoienako eskualdeak garapen eredu iraunkor baterako bidea bultzatu beharko du, eta horrek **kontsumo energetikoa gutxitzea** eta **energia berriztagarrien garapena** ekartzen du.*

*Baina kontsumo energetikoa gutxitzeak **ehun industrialak murriztu dezake** eta **bizi baldintza eta ereduak eraldatu**. Era berean, energia berriztagarrien **eskala handiko proiektuen garapenak biodibertsitatean eta landalurrean eragin dezake**. Horren ondorioz, **kontsumo energetikoaren murrizketa** eta eskualdean **energia berriztagarriak zein mailatan** garatu beharko liratekeen definitu beharko da, alegia, eskualdeak izango duen **dependentzia energetiko maila**.*

*Halaber, eraldaketa hau egiteko moduak **desorekak** areagotu ditzake pertsona, erakunde, herri eta lurralde ezberdinen artean.”*

Dinamizatu beharko diren mahaiak honako hauek dira.

1. Industria arloko eragileen mahaiak.
2. Egoera zaurgarria arloko eragileen mahaiak.
3. Landa Garapena arloko eragileen mahaiak.
4. Eskualdeko gazteak ordezkatzen duen mahaiak.

Mahai bakoitzean, eskualdea osatzen duten herrietako gehienek 15 – 20 kide egotea aurreikusten da.

Egitekoak:

Zerbitzuaren helburu nagusia izango da mahai horien funtzioa ziurtatzea, honako egiteko hauen bitartez:

- Kontratuaren objektu diren eginkizunak aurrera eramateko jarraitu beharreko prozedurak, edukiak eta metodologia behar bezala definitzea. Besteak beste, aurreikusiz mahai bakoitzeko saio bakarra edo bi saioa (gehienek 2 orduko bakoitza), izango dela.
- Mahaiak osatzeko irizpideak eta parte hartzea sustatzeko proposamena lantzea bulego teknikoarekin batera.
- Parte hartze saioak erraztea bertan landu beharreko edukiak kontuan hartuz. Eduki horiek, eskura izango ditu dinamizazio taldeak. Bereziki zaindu beharko da parte hartzaileen aniztasuna, iritzia,

ahotsa eta parte hartzea oro har, segurtasunez, konfidentzialtasunez eta konfiantza giroan eman dadin.

- Mahai bakoitzaren emaitza jasotzea eta bulego teknikoari entregatzea. Emaitzaren entregagaia, aldez aurretik definituta egongo da bulego teknikoarekin batera.
- Mahai bakoitzean parte hartu duten eragileen balorazioak eta, bulego teknikoak ezarritako ebaluaziorako ebidentziak jasotzea.
- Proiektuaren gobernantza eta koordinazio guneetan parte hartzea.

Zerbitzuaren zehar-lerro nagusiak, modu zehatz batean eta jarraian azaltzen diren irizpideen arabera garatu beharko ditu zerbitzuak. Zehar-lerroak zerbitzuaren fase guztietan landuko dira; diseinuan, plangintzan, esku-hartzean eta ebaluazioan txertatuko dira.

Genero berdintasuna, aniztasuna eta euskararen erabilera dira zerbitzuaren zehar-lerro nagusiak.

Genero-berdintasuna:

Genero ikuspegia txertatu beharko da zerbitzuaren diseinu, planifikazio, esku-hartze eta ebaluazio lan guztietan. Azken helburua izango da garapen integrala bultzatzea, generoaren araberrako estereotipo eta rolak baztertuko dituen eta baita bereizkeria mota oro ere. Prozesuan genero berdintasunaren kudeaketarako planteamendua egin beharko da.

Inklusioa: Erabiltzaileen aniztasuna kontuan izango da (adina, sexua, jatorria, sinesmena, gaitasuna, etab.) eta tratu eta aukera berdintasuna bermatuko da. Zerbitzuan arreta berezia eskainiko zaie zailtasunak edo behar bereziak dituztenei (gizarte zailtasun egoerak, aniztasun funtzionala, jatorriz beste kultura batekoak direnak,...) eta horretarako, aniztasunaren kudeaketarako planteamendua egin beharko da.

Euskara: Euskara izango da lan eta zerbitzu hizkuntza.

Horretarako, beharrezkoak diren baldintza guztiak bermatuko dira: langile elebidunak, euskarazko materiala, erabilera sustatzeko planifikazioa, etab. Erabiltzaile bakoitzaren hizkuntza errealitatea eta herritarren hizkuntza eskubideak kontutan hartuta, hizkuntzen kudeaketarako planteamendua egin beharko da.

4. Prozesuaren dataz, koordinazio eta jarraipenaz

Epe labur eta estuetan egiten den lan konplexua izanik, proiektuaren ardurak teknikoak eta aholkularitzaren arteko koordinazioa oso estua izan beharko du.

Kontuan hartuz aurreikusitako beheko kronograma, enpresak bere eskaintza bitartez gutxienez beheko epeak betetzeko konpromezua adierazi beharko du, baita kronogramak izan ditzakeen aldaketei erantzuteko aukerak ere.

LAN MAHAIEAN DINAMIZAZIOA	URTARRILA	OTSAILA	MARTXOA	APIRILA
0.Urratsa. Behin betiko diseinu metodologiko zehatza ixtea	x			
1.Urratsa. Lan mahaikideekin harremanetan jarri		x		
2. Urratsa. Mahaien saioak burutu		x	x	
3. Urratsa. Saioen emaitza jasotzea, balorazioa barne, eta zuzendaritza teknikoari entregatzea				x

5. **Esleipen irizpideak**

5.1. PROPOSAMEN TEKNIKOA

Aurkeztutako proposamen teknikoaren kalitatea baloratuko da modu honetara.

Gehienez 80 puntu

a) Proiektuarekiko kokapena, planifikazioa eta helburuak (gehienez 15 puntu)

1. Proiektuaren markoa, helburu zehatzak eta egitekoetan zehazten diren jarduerak modu egokian erlazionatzea (5 puntu).
2. Eginkizunak aurrera eraman eta helburuak epean betetzeko zerbitzuaren plangintza eta beharrezko kronograma (5 puntu).
3. Mahai sektorial ezberdinei begirako planteamendu zehatzak egitea, bereziki, gazteen adin tarteari begirako planteamendua (5 puntu).

b) Lan-metodologia (gehienez 25 puntu)

1. Kontratuaren objektu diren eginkizunak aurrera eramateko jarraitu beharreko prozedurak (10 puntu):
 - Jarduera arlo bakoitza nola landuko den zehaztea (5 puntu).
 - Parte hartzea bermatzeko proposamena: prozedura, metodo eta teknikak (5 puntu).
2. Prozesuaren antolaketa eredura egokitzeke, gune edo eremu desberdinekin elkarlan eta koordinatzeko modu egoki eta zehatza planteatzea (10 puntu).
3. Zeharkako lerroak nola jorratuko diren azaltzea (5 puntu).

d) Lan taldea (gehienez 15 puntu)

- 1- Esperientzia (10 puntu):
 - Deliberazio egitasmo ordezkatzaileko partaidetza prozesuetan (5 puntu).
 - Parte hartze prozesu zein ekimenetan (5 puntu).
- 2- Taldearen osaera: proiektuaren bermerako parte hartuko duten pertsona-kopurua eta eginkizunen (koordinazioa, teknikari lanak...) planteamendua (5 puntu).

e) Proiektuaren kalitatea bere osotasunean (gehienez 10 puntu)

f) Hobekuntza proposamenak (gehienez 15 puntu)

Aurrez zehaztutakoaz gain, zerbitzuko lana hobetzeko, osatzeko, proposatzen diren bestelako baliabide, koordinazio, euskarri digital zein sare sozialen erabilerarako proposamenak etab.

5.2. ESKAINTZA EKONOMIKOA

Gehienez 20 puntu

Aurkezturiko eskaintzaren proposamen ekonomikoari 20 puntu emango zaizkio gehienez, zerotik hasita %2ko murrizketagatik puntu 1 izango duelarik.

Eskaintza ekonomikoarekin batera, eskaintzaren banakatzea aurkeztu beharko da ondorengo atalen baitan:

- Eskaintza ekonomiko zehatza eta jasotzen dituen ekintza eta baliabide zehatzak.

- Lan taldeko partaide kopurua eta dedikazioa.
- Proposatutako euskarri zein baliabideak (aurrekontuan sartzen eta sartzen ez direnak zehaztuz), baita zerbitzu emale enpresaren eskutan geratuko diren azpikontratazio lanak ere.

6. **Aurrekontua**

Zerbitzua aurrera eramateko gehieneko kostua 16.000€ (+BEZ) da, zerbitzu emale enpresaren eskutan geratuko diren azpikontratazio lanak barne.

7. **Proposamena aurkezteko epea**

Proposamena jasotzeko azken eguna, **urtarrilak 20**, helbide honetan: **deliberazioa@gizabidea.net**

Dokumentu honen inguruan edozein zalantza izanez gero, prozesuaren arduradun teknikoarekin argitu ahal izateko gonbidapena luzatzen da.

Arrasaten, 2024ko abenduaren 16an.

